

恒質直不求他過以成鬪競五者法內兄弟若於聖教心有異者當即遠離不共住止亦不親近共成勢力故惱善衆

十功德者若有清淨電那勿等內懷功德性者當知是師有

五記驗一者所出言語不損一切恒以慈心善巧方便能令

衆人得皆得歡喜二者心恒清淨不恨他人亦不造憊令他

嗔恚口常柔更離四種過三者於尊於卑不懷妬嫉四者不

棄徒衆經論弟子隨所至方清淨住處歡喜住止不擇華好

五者常樂教悔一切人民善巧智惠令修正道

十一齊心一等者若有清淨電那勿等內懷齊心性者當知

是師有五記驗一者法主慕闍拂多誕等所教智惠善巧方

便威儀進止一一依行不敢改換不專已見二者常樂和合

與衆同住不願別居各興異計三者齊心和合以和合故所

得懶施共成功德四者常得聽者恭敬供養愛樂稱讚五者

常樂遠離調悔戲笑及以諍論善護內外和合二性

(1)電那勿とは殘經六枚右に、應輪經云、若電那勿等、身具善法、光明父子及淨法風、皆於身中、每常遊止、と云

ひ、また同處に寧萬經云、若電那勿、具善法者、清淨・光明・大力・智惠・皆備在身、と記せり則ち所謂善法

十二內外俱明者若有清淨電那勿等內懷俱明性者當知是師有五記驗一者善拔穢心不令貪慾使已明性常得自

在能於女人作虛假想不爲諸色之所留難如鳥高非不殉

羅網二者不與聽者偏交厚重亦不固戀諸聽者家將如已

舍若見法外俗家損失及愁惱事心不爲憂設獲利益及欣

喜事心亦如故三者若行若住若坐若臥不寵穴身求諸細

滑衣服臥具飲食湯藥鳥馬車乘以榮其身四者常念命終

險難苦楚危厄之日常觀无常及平等王如對目前無時暫

捨五者自身柔順不惱兄弟及諸知識不令嗔怒亦不望證

令他惡名常能定心安住淨法如是等者名爲十二明王寶

樹……………汝等今者若欲成就无上大明清淨菓

者皆當莊嚴如是寶樹令得具足何以故汝等善子依此樹

菓得離四難及諸有身出離生死究竟常勝至安樂處尔時

會中諸慕闍等聞說是經歡喜踴躍歎未曾有……………